

Забидий / ВАҲИЙНИНГ БОШЛАНИШИ КИТОБИ / 1418-ҳадис

1418/3473 – عَنْ أُسَامَةَ بْنِ زَيْدٍ رَضِيَ اللَّهُ عَنْهُمَا، قِيلَ لَهُ: مَاذَا سَمِعْتَ مِنْ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي الطَّاعُونَ؟ فَقَالَ أُسَامَةُ: قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: الطَّاعُونَ رِجْسٌ، أُرْسِلَ عَلَى طَائِفَةٍ مِنْ بَنِي إِسْرَائِيلَ، أَوْ: عَلَى مَنْ كَانَ قَبْلَكُمْ، فَإِذَا سَمِعْتُمْ بِهِ بِأَرْضٍ فَلَا تَقْدَمُوا عَلَيْهِ، وَإِذَا وَقَعَ بِأَرْضٍ وَأَنْتُمْ بِهَا فَلَا تَخْرُجُوا فِرَارًا مِنْهُ.

1418.3473. Омир ибн Саъд ибн Абу Ваққос отасидан ривоят қилади:

«У отасининг Усома ибн Зайддан: «Расулуллоҳ соллаллоҳу алайҳи васалламдан вабо ҳақида нима эшитгансан?» деб сўраётганини эшитган экан. Усома деди: «Расулуллоҳ соллаллоҳу алайҳи васаллам: **«Вабо Бану Исроилдан бир тоифага [ёки сизлардан олдингиларга]* юборилган қақшатқич азобдир. Унинг бирор ерда эканини эшитсангиз, у ерга борманглар. Агар у бирор жойда воқеъ бўлиб, сиз ўша ерда бўлсангиз, у ердан қочиб чиқманглар»,** деганлар».

Абу Назр: «(Вабо) **сизни ундан қочиш учунгина чиқармасин**»,* деб айтган.

* Бу ерда ровийлардан Муҳаммад ибн Мункадир иккиланган.

* Бунинг маъноси қуйидагича: «Вабо таркаган ердан фақат ундан қочиш учун чиқманг. Аммо бошқа бир зарурат юзасидан чиқсангиз, майли». Ровий Абу Назр ҳадиснинг ушбу охириги қисмини бир оз бошқачароқ ибора билан ривоят қилган экан.

Манба: hadis.islom.uz



HADIS.ISLOM.UZ
NUBUVVAT MARVARIDLARI

